

四庫全書

集部

欽定四庫全書

文端集卷六

大學士張英撰

存誠堂詩集二

古體詩三十八首

春江積雪行寄懷四松先生

客子晨將行南枝蚤梅發如何寒香時遠與故山別不  
惜枝上花宛轉赴南陌南陌良苦辛昨夜江天白不見

江上漁惟見江干雪北風號枯楊橫林遠蕭槭寒氣入  
江聲波濤力應竭天地無纖塵羣峰如挺壁瓊樹將萬  
株瑤臺且千尺一幅水晶簾遙遙挂青碧小艇明鏡中  
四顧清光徹如駕凌雲鶴遠渡銀河磧俛視無復有橫  
空但明月客子得竒悟邈然忘所適故鄉有詩人秉心  
素高潔澹蕩非世情懷抱自清悅安得同苦吟寫此江  
天夕

送木匠偕長君務滋入成均

鸞鷲振羽儀薄海知宴清寧久戢其翼不向榛莽鳴黃  
鐘太古器恥與凡響爭清廟朱絃間為世陳韶韻騏驥  
當困時久為駑駘輕一朝入燕市千古金臺名吾黨有  
潘子才思蚤縱橫十歲能屬文落筆前輩驚悠悠四十  
年華髮雙鬢生潘子勿復嘆遇晚名亦成文字摹大家  
韓歐同規程古風久淪棄力為流俗撐浩浩寫曾次意  
匠無經營賦詩耽杜白歷落傾珠瓊丹黃海內書月旦  
操其評脉望食餘字皆得分時榮嗟予樗櫟材相遠矣

廷楹如君不得志轉使予心怍清時方愛才勿憚驅車  
行辟雍今宏開鐘鼓何鏗鏗漆經多竒字古樂無新聲  
君且攜長公春明事遐征河隄垂弱柳宮樹啼新鶯我  
知入都時名譽馳公卿珊瑚出海隅明珠來秦城慈仁  
古松下璀璨都市呈鴻寶發竒光見者雙目瞠鵬翩凌  
高風雲路今方平枚臯侍從才位置宜承明煌煌帝京  
篇請為

天子賡

潘子木厓名江余同學  
友工詩文有木厓集

陵陽行

陵陽古佳地詩人昔來遊謝朓與李白吟咏空千秋昔  
人不可見青山入高樓上有黃鶴飛下有清谿流俛仰  
仙靈宅高風凌丹邱安知千載後姚子今其儔理國師  
烹鮮化民如狎鷗夙昔天下士文譽滿滄洲投分無俗  
賓吟嘯谿山幽為我語元之救時資良謀豈容山水間

謝李遙唱酬

時海南姚六  
康為石埭令

東臯草堂詩

我聞李先生自關東臯堂衰年託親戚葺屋農家傍君  
昔在嶺南橐筆走戰場歸來臥一邱不復耽舊狂憐君  
不偶俗君本無俗腸詩味比孟浩文字摹蒙莊性復嗜  
孤潔安可居農鄉左廂栖雞豚右廂鳴糟牀念此雖紛  
紛無機迹易忘較之城市中此景翻為良春窗好風雨  
拭几焚清香自起汲新泉茗椀翻旗槍東郊正膏沃北  
山還蒼茫驅犢過淺水捕魚來石梁二三老詩人時時  
索報章有客來叩扉自謂老圃忙荷耒那肯顧種樹須

春陽悠悠世俗情誰與之等量

李子嗣雅名雅一字芥須同里人能詩晚年居

東  
阜

重晤方明農先生賦贈

桃渡詩人宅春水生柴門未到已七年相憶勞晨昏壁  
間畫梅竹斑剝今尚存百卷僉山詩古調無纖塵高吟  
石城烟妻子同小園僻巷連野寺蕭然如山邨入室古  
人在閉門吾道尊吟詩飲醇酒世俗安可論

先生名文同里人工

詩隱於  
秦淮間



燕子磯

我來宏濟江髣髴悟畫理河陽與雲林工秀各一紙何  
處似河陽江流飛燕子奇石削琅玕清波織紋綺斑剝  
翡翠痕繡澀珊瑚紫一片如暮霞鋪向空江水雙松覆  
孤亭曲徑石齒齒點染兩漁舟瀟灑真無比何處似雲  
林東畔幽巒是老樹晚烟中曲岍層岡裏霏微見城闕  
虧蔽出桃李古屋自參差重疊山島峙波光接雲影無  
從覓起止愛此不忍去蓬窗勞倚徙作畫不在奇直欲

畫其似但得丘壑情居然成絕技天地老畫師捉筆徒  
爾爾

雙泉歌為念齋新築草堂賦

紫雲雙闕繡芙蓉簫韶仙吹落天風殿上傳呼出鳳紙  
鸞旗細捲朝暎紅繆子承恩御階上賜衣五色宮雲中  
金華才子虎邱客鶴髮堂前峙雙壁暫乞承明著作身  
歸來定省歡晨夕吳門市宅石橋頭家有賜書藏小樓  
粉壁不屑鬪朱翠一邱一壑偏能幽古稱養親惟小園

此風近日誰其儔。疊石臨流構書屋。曲沼穿花漾新綠。  
最是草堂初構時。春風乳燕飛花蹴。主人倚樹看荷勸。  
醴泉一道花間出。花間初出猶涓涓。甫經搜滌還潺湲。  
水邊石畔不盈尺。一泉又出如珠聯。品題誰復居第二。  
味如北固江頭泉。我聞飲此令人壽。瓊漿石髓媿靈秀。  
持此高堂介大年。何必丹砂問勾漏。繆子皎潔如泉清。  
傳家世世捧金莖。當思此泉義非偶。流膏布澤瀾蒼生。  
異時綠野堂中人。方許高臥泉頻傾。記我作歌今何時。

已酉寒食茲落成

霜哺歌

為袁重  
其賦

袁子之母八十五星星白髮銀絲縷哺雛飲血幾何年  
依稀甲子將重數袁子於今亦髮白六十猶作老萊舞  
從來上壽不易得節孝之人天所祐節孝何者最為難  
袁子蚤孤復貧窶母貧能節織作耕兒貧能孝筆作賈  
篋中贈言四十卷作歌之人半往古祇今壽母壽且康  
白華新句年年補堂上堂下俱期頤霜哺歲月長如許

吁嗟乎節孝之人天所祐

重其吳門人備書養母見文士則再拜乞霜哺詩今盈數

十  
軸

吳門晤盛珍示卻贈

斯文苟不廢砥柱伊何人  
盛子具毅力手為開荆榛  
騏驎非凡才蚤歲已逸塵  
蒼蒼者何意遇晚氣益淳  
樹幟秦淮秋起草燕臺春  
六籍探微義兩京推茂醇  
文體方再變著作皆殊倫  
天風迴紫瀾海波無際垠  
陸離珊瑚光肅肅天廟陳  
海內拾餘芳士類資鴻鈞  
伊人一觀止

投契捷若神願言慰疇昔古道情自親明日忽分手悵  
望吳江濱

贈敬亭鍾子夔

伊人有微尚深情在邱壑山水猶陳迹草木亦榮落不  
若筆墨間等閒寫寥廓竒峰自奔會嘉樹忽聯絡天地  
脫腕下五嶽等槽柏展幅即深山卷之復高閣斑管作  
筇杖無離亦無著寄語書泉人此中有真樂

平陵宜山堂詩

我聞宜山堂結構平陵陽羣公爭賦詩佳咏皆琅琅何  
處最宜山竒峰出短墻石屋一片雲黛色映簷窗隔簾  
見幽壑入戶飛層岡枯藤與古木掩映多竒光峰影落  
清泉水面還蒼蒼何時最宜山山靜覺晝長朝霞與夕  
烟樹色分微茫春明山翠濃夏雨山風涼明月出遠岫  
秋峰羣相望何人最宜山先生稱古狂芒屨筇竹杖荷  
衣薜荔裳看山無朝暮一卷或一觴手招西爽來披襟  
從徜徉斯景與斯人是名宜山堂

為袁重其題畫蘭

畫蘭如作字筆墨在幽致微香出紙上  
蘭露花間墜我愛霜哺人幽澹復無二  
安得入空谷采此以相遺

渡錢塘遇潮

晚雲日將夕客子渡錢塘舟人警暮潮  
倚棹催行裝蓬窗一葉舟蕩漾河中央  
匹練海外來如雪復如霜殷雷震層雲  
巨石崩崇岡天地方肅殺羣舟皆傍徨  
遠在千里外指顧猶微茫轉睫類飛電  
玉山何琅琅東望連山



陰北眺接餘杭驚濤轉地軸白虹貫天長客子邁奇觀  
睇視恣徜徉對面高百尺幾欲吞吾航舟子迎潮立換  
柁隨飛翔奔流四五里怒馬收危韉小舟如覆輪逆浪  
盡濺裳我非弄潮兒胡不戒垂堂

同四松先生木厓叔兄如三遊畫谿得音字

好山名畫谿披榛猶可尋曾經畫船遊流水空至今寒  
潭影千尺往往聞龍吟石色削蒼玉谿聲鳴素琴懸瀑  
如濺珠飛雨出空林天風吹不斷積雪亦何深半畝麗

公谷路入梅花陰臺榭已非故松竹猶森森昔年荷池  
隈此日無蹄涔古砌延碧色惟有苔痕侵撫今思舊歡

慨嘆誰能禁嶽夢

四松別號

山水癖明時蚤抽簪看山挈好

友白雲知此心捷比攀枝猿幽如坐葉禽甫在南礪石  
忽陟西山岑清響振林樾落落聞古音諸子互酬答各  
如探異琛一觴復一咏臨流時自斟深林忽已暮仰見  
斜陽沉安得常相從滌此塵囂襟

送內姪堯元還雄山

公子騁驂騶朝暮長安路金勒珊瑚鞭風流生指顧客  
從江南來離情復誰訴不謂骨肉歡轉向天涯聚公子  
有新詩芙蓉浥秋露尺幅作山水落筆得佳趣惟此翰  
墨情可以滌紉袴紙閣羅青樽竟夕懽無度一朝忽言  
別明日雄山去手輓青絲韁繫馬白楊樹入門拜兩親  
斗酒且深注咫尺春明門騫飛接鷓鴣杏花烟柳時兄  
妹盼良晤公子扶輪來懽遊復如故

兒瓚就婚于延陵示之

汝生十六年繞膝何時離詎知燕喜日父母天一涯千  
里望江雲佳靄栖門楣金屋寶勝結綺閣流蘇垂鴛鴦  
織紋漪翡翠依瓊枝好借珊瑚彩飾此蕙葭姿琴瑟偕  
新聲柳絮聽新詞堂上有大姑授經垂絳帷男兒可取  
法不獨閭內師延陵好兄弟璀璨復冲夷疊翠百尺樓  
花竹何參差此中有奇書探索不厭疲倦倦千里心孺  
子宜鑒之願爾當賓筵蕉葉銜且遲願爾懸鸚鵡不報  
客來時願爾畫眉筆常點闕睢詩願爾雞鳴警願爾鳳

離隨一字當一繡寄爾深閨知

憶江南曲六首

憶江南憶在故園春梅萼未舒紅豆小柳芽纔展翠鈿  
勻盤中蚤韭初嘗客葉底新鶯巧喚人臨流入戶皆芳  
樹深紅茜紫花無數何人挂起珍珠簾雙雙蛺蝶穿花  
去

憶江南憶在石城邊桃葉渡頭沽酒肆莫愁湖畔賣花  
田海棠樹樹堪鋪席楊柳家家好繫船蹋青都向城南

寺可憐六代烟花地遊人幾箇說興亡年年木末亭邊  
醉

憶江南憶在虎邱山鬢梳蛺蝶雲千縷船繫桃花水一  
灣石上亭臺隨處有人家簫管不曾閒南塘曲曲皆花  
市杜鵑枝壓櫻桃睡就中還有老翁家粉壁華亭兩行  
字

憶江南最憶是錢塘冷泉亭畔松杉暗石錦塘邊荷芰  
香峰頂平時添塔影山腰缺處補湖光酒人醉臥吳山

路潮頭飛過吳山樹城南萬壑更青蒼畫中遙見西陵  
渡

憶江南憶在浮渡山竒石縷成金谷寺片雲飛作紫霞  
關躋攀曲徑松杉杪指點危峰杳靄間最憐九帶堂前  
路古藤霜袖交盤互安能散髮此長吟雲中細數江南

樹

金谷寺紫霞關九帶堂皆浮山佳處

憶江南憶在二龍隈千家竹圃參差綠十里杏花深淺  
開春風曲徑幽蘭露細雨新香山谷臺遊人春半應無

數提壺競躡深莊路友人相約十年前空使山靈怨遲

暮

大龍山產山谷臺清芬甘脆  
深莊為余友劉超宗所居

墨莊詩

為王近微  
先生賦

世味復何似縛束類牛馬朝暮無息肩駭汗走轅下坐  
使朱顏人白髮空盈把我聞抽簪客蚤歲白蓮社墨莊  
一片地蕭然似林野散髮臥東軒披襟鼓南雅菜甲春  
畦綠墨瀋清池瀉書聲出蘆簾花香入枯筇三萬六千  
日七十年瀟洒所得良孰多可以決趨捨仰止此清風



願言勗來者

懷賢詩

為業師齊古  
愚先生賦

吾所北面人澹蕩古君子傳是中山裔易姓汝南氏

先世

為中山族人  
後易姓齊

家世多偉人先生特竒傀蚤年罹苦辛潦

倒飢寒裏惟攜一卷書移家渡江水為文尚氣魄汗漫  
常自喜不合有司度三十猶爾爾斂彼驚異才屈首就  
恒軌百篇熟昌黎千回讀左史落筆如春蠶轉盼脩盈  
紙射石堪沒羽氣可搏犀兕文場比幽燕拭目無堅壘

甲午秣陵秋已中浮圖矢雖不獲祖龍留侯詎云恥棘  
闡多嶮巖既收旋復委歸來益磅礴騷經窮四始宏麗  
發廟謨幽細寫物理有時鳴鐘鏞有時擷蘭芷潘岳同  
許詢揮毫各相視暨子弟與兄龍眠五子是迄今海內  
傳頗會詩人旨激昂負竒氣豐容色深紫飲酒或一石  
號呼中坐起雄論堪絕倒颯颯風生耳恥見富貴人避  
之去如駛終歲一布袍岸幘不納履所居在窮巷數椽  
屋將圯出門無親戚入門無僕婢雖女髮垂肩長女前

歲死但有門人來問字相接趾人生邁百憂磊塊積成  
瘡曾無一日歡五十有三矣形貌忽然頽竒疾良有以  
詩書為藥餌倉卒遽披靡破屋堆殘書布衾覆牀第脩  
文恐浪傳吁嗟入蒿里皇天生斯人士窮竟如此二三  
故人來揮淚不能止雖無世俗榮昔賢良可擬諡之以  
敏介敢效門人誄

先生諱邦直同里人積  
學工文甲午鄉試副榜

梁家園泛舟

京洛苦蹄輪一水已幽絕况復亂葦中輕舸似吳越朝

雨夕方晴最愛新秋節相將理短櫂弄此波間月荒池  
繞數畝亭橋延曲折遂使蕩舟人逶迤入林樾月明清  
淺流葦間秋可擷露下水微波舟動人語歇此時客方  
醉香森清歌發欣陪長者游壺觴况未竭擊柝任相催  
幽賞詎能別

枯松行

同沈康  
臣作

慈仁古松樹蒼老不記年高下近十株為態各自妍中  
有雙龍鱗蟠曲香臺前松頂近可摩高枝纒覆肩屈彼

百尺勢空階恣蜿蜒橫側益竒絕影若蛟螭眠濤聲走  
平地雙樹撐如拳似此蒼勁質止宜空山巔藉以一片  
石濯以清淺泉謾謾響絕壑垂手招列仙何將故山態  
老卻車塵邊橫遭廝養辱強索冠蓋憐冠蓋那復顧日  
落生寒烟一夕風雨過萎黃何忽焉衆松失顏色臺殿  
增寂然惜彼凌霜姿遽隨羣卉遷吾子勿復嘆物各全  
其天

送夔湖之官開化郡丞

有客將為萬里行  
將行未行余心怍  
欲往送之雄山陰  
溇沱一水空盈盈

朝廷神武開南服  
益州新郡滇南屬  
蠶叢路闢百蠻歸  
長官盡化雕題俗  
吾子新為郡大夫  
時平政簡稀萑苻  
蠻旗如火迎且趨  
行行勿復嗟崎嶇  
人生足跡不萬里  
江漢吳越在庭旣  
史遷才思冠古今  
名山大澤紛眼底  
子淵曾撰碧雞文  
相如持節再隴君  
由來谿洞稱竒絕  
天半益州常火雲  
况君落筆烟巒起  
長歌奔放尤自喜

九疑黛色點蒼山畫裏詩中各竒傀况君雄辯復英多  
駭心洞目如懸河一部滇南風俗通為話緬甸與牂牁  
才堪盤錯今無二拊循尤能起凋敝雄關廝養雜窮黎  
兩載畿南稱大治六詔風烟向化新文身金齒舊逋臣  
韋臯持簡西川使軫此災荒絕徼人老親七十猶強飭  
伯季承歡仲遊宦顯親養親各有人何事牽衣增繾綣  
君歸再拜還登車王程努力毋躊躇明年墾書下南詔  
朝廷待爾承明廬

香漏詩

為葉炳霞  
母夫人作

淒淒城上烏明星照東隅忽聞香漏聲旋聞慈母呼慈  
母無安眠教兒何勞劬刻香如刻燭貫之以青蚨裊裊  
餘香盡揄艾鳴銅壺母起燈下績兒亦燈前趨從此書  
一卷宛轉度朝晡自昔稱賢母未若香漏殊願言作短  
章廣以勗吾徒

蕉林書屋圖

為真定  
梁公題

種蕉盈數畝碧色亦何深書屋三兩間結構當空林雲



影無朝暮澹蕩成秋陰微雨易為響時向書牀侵塵氛  
不可到涼風披素襟空翠滿四壁茶烟乍浮沈此境邈  
難即畫裏猶堪尋吾師退食時高齋橫古今數幅蕉林  
圖常伴朱絃琴布置隨筆墨取意皆蕭森短歌或長句  
磊落存古今披圖頓寥廓儼若空山岑焉知擁書者獨  
抱蒼生心

鶴來詩

寶應喬聖任先生年五十畫小像甫成有鶴飛來因畫於側此鶴相依二十餘年令

子石林道其事為作鶴來詩先  
生諱可聘明崇禎年間御史

青田有靈羽古稱為皓鶴仙人王子喬跨之入寥廓碧  
天無際海雲寬孤飛肯向人間落有客翛然池上樓蒼  
顏白髮凌丹邱荷勗自種青門圃絕口不道東陵侯閒  
寫荷衣挂秋室縞裳丹頂穿雲出刷羽長鳴喚主人虎  
頭回顧驚停筆從此香山居士圖傍添一鶴如相呼水  
邊飲喙月中舞二十餘年時與俱先生服氣頗好道愛  
爾閑眠藉芳草先生垂老猶讀書一聲清唳秋晨蚤澹  
味闇修知者稀仙禽瑤草思依依不然翠壁丹巖多舊

侶圓嶠仙人呼爾歸胡為花下隨人常不飛

柴窰酒椀歌

曹頌嘉齋中同嚴存菴沈康臣趙武昔周緘齋曹升六汪蛟門喬石林作

長安晴日秋窗暖曹郎酒客秋窗滿持出牀頭舊酒卮  
篋中碧色柴窰椀大樸不屑爭離竒翡翠斑剝空爾為  
製如半截青蓮子土花色暗蒼玉姿懸知此物已千載  
滄桑幾換今猶在人間歲月老糟牀瓦缶田家同不壞  
由來珍異豪家爭玻璃七寶徒縱橫苦伴珠玉委塵土  
那能常對秋山清吾儕持此發詩思舉手摩娑復頻視

問爾千年閱幾人  
幾人對爾能沈醉

館中讀書言志

館試作

清曉入丹地  
老樹春陰繁  
和風動簾幕  
爽氣來庭軒  
御河東南流  
天街靜塵喧  
長廊集簪裾  
散步迎朝暾  
清晏多休暇  
四壁羅琴樽  
琳琅探藝苑  
六籍欣尚存  
石碣何離奇  
古字侵苔痕  
縱目涉滄海  
振衣當崑崙  
浩浩發胃次  
藉以度朝昏  
淵默領微義  
得意時忘言  
常與古人處  
因知吾道尊  
諸家間旁搜  
百川同一源  
含英而咀華  
如

龔蘭與蓀誦讀愜素懷皆藉涵濡恩聯袂登玉堂方駕  
趨金門匪賴貞潔操紛華安足論遭逢當

聖代咫尺隣九閭願言贊

王化元氣日以敦澹泊復寧靜撐拄流俗奔昔人崇令  
德矢志期勿諉

十二硯歌

為蛟門  
舍人作

汪子臥病不出戶稜稜瘦骨吟新詩牀頭一卷探相示  
十二硯歌恣離竒自言夢中入廣廈濡毫研墨方淋漓

縱橫俱是老坑石龍蟠虬臥蒼玉姿此物那可使無主  
就中十二欣自持汪子性僻耽筆墨神物來貺夫何疑  
惟硯以靜而得壽筆以日計墨以時鏤心鉢肺亦太苦  
將毋此意良可師吁噫嘻湘簾棊几一片石朝耕夕耨  
常苦飢呵凍手皴無氣力棄擲屢遭妻孥嗤一石磨穿  
亦已足龍尾十二將胡為

為吳五崖題王烟客太常畫卷

奉常老作西田客剩有閒情寫泉石古來筆墨非浪傳

金匱要略卷六  
卷六  
高人片紙如和璧况復烟雲兼衆妙濃澹蒼深非一格  
門外紅塵沒馬蹄故山雲樹江南隔願常對此滌胃臆  
閉門坐擁千山碧

益詠堂詩二首

宋荔裳尊人為頓邱令邑人德之為建益詠堂尸祝焉

畿南頓邱路漳水秋山陰哲人昔為宰流風還至今父  
老食舊德欲語涕霑襟下車翦稂莠不使嘉禾侵理民  
但靜治手揮單父琴堂上撤桁楊堂下生謳吟每讀循  
吏傳懷古意何深

巍然益詠堂乃在秋山原棠陰舊時路虧蔽見庭軒歲  
時父老來再拜羅犧樽筵尊走婦子擊鼓聞千邨昔人  
亦已去風土懷舊恩朱邑安桐鄉且以囑子孫知公戀  
茲土窈冥來朱旛前有霽雲祠相與招忠魂千載頓邱

路靈爽常弗諼

邑有南霽雲  
祠與堂相望

送宋荔裳觀察西川二首

東海宋使君騷壇數前輩百卷詩古文蒼深侔泰岱昔  
為越州使觀閱幾顛躓三載客長安



君恩許重賜旌節向西川嘯詠江山麗曾聽祭臯陶清  
詞堪出涕洞徹狂狷情髣髴如圖繪以此理析楊臯陶  
良不愧劔南號阻絕案牘多沈滯文人往振肅自識無

刑意哀矜慎勿喜斯言足永佩

祭臯陶為荔  
裳所撰雜劇

杜陵老詩客自昔居夔州瀼西築草堂吟詠空千秋相  
如揚子雲此地多淹留君行渡錦江俛視三峽流長歎  
探遺跡浣花谿正幽好築二鄉亭高臨谿水頭昔人不  
可見宋玉今其儔自秉嚴武節不似臨邛游文翁尚雅

化觴詠登高樓從此錦江春古今遙唱酬

荔裳有二鄉亭記謂睡鄉

醉鄉

文端集卷六

欽定四庫全書

文端集卷七

大學士張英撰

存誠堂詩集三

古體詩四十三首

送唐偕藻侍御請假歸閩中

與君識面時同作金門客我方邁百憂君亦振六翮江  
湖各三載重遇長安陌同人如晨星數點秋河隔惟吾

與之子相對庭槐碧古槐自亭亭苦心比茹檠我住空  
爾為君行詎非策故山瘴海濱荔枝香可擘經年且休  
沐暫許還山澤君子重致身况復當言責蒼生今何如  
廊廟資謀畫行行非徒然民瘼貴探索歸來獻

天子宣室方前席勿忘短檠時永言念疇昔

題畫

白沙碧草江邨路夕陽古寺人爭渡天風不起水微波  
蕭蕭落盡江南樹此景依稀秋浦湄自呼小艇渡江時

十年猶記行人苦風打篷窗雨似絲

余癸丑春開分校前一日

### 崇勲德壽圖詩

崇勲德壽圖髣髴香山故事圖中九老為少司農謝君路然年七十八

督餉裴君長山少謝君二歲山左開府張君英  
案年七十五八閩開府劉君磐所粵東開府董  
君捷軒年七十四八閩開府徐君吉吾直隸開  
府潘君世衡年七十三鄖陽開府張君仙羽山  
左憲副劉君詔軒年七十皆豐沛舊臣為國  
家任節鉞晚歲致政相與觴詠間適以樂太平  
因畫斯圖其事良可紀述同  
館王子媚谷持索詩遂書此

國家資神武驅除委長轡麟多鉅公鵲起風雲際精  
靈發川嶽輪困苞元氣不獨兼仁勇期頤且馴至晨披

九老圖悠然見高致當時佐景命宣力亦已瘁齊楚或  
閩粵節鉞江山麗老來致政歸高隱金門地雨暘歲有  
秋清晏時無事羣公相招隨杖履成嘉會骨相皆天人  
鬚髮絲還翠茗棋適所好壺觴成薄醉倚徙近竹林流  
盼當荷芰猶能落金彈款段秋原騎曠然見天真蕭疎  
寡塵累洛水與香山斯圖得其意豈惟麟閣標亦且西  
園記賴茲翰墨寶邦家永為瑞

送徐健菴編修南歸

昔從吳門遊坐上識徐子盛名三十年文壇如嶽峙分  
手入金門宿將幽燕起對策承明廬臚唱宮雲紫子再  
入長安躡影蓬萊趾博雅重徐陵便殿常承旨詩思若  
春蠶揮毫金鳳紙冀北收駢駘文章新壁壘祇今鸞坡  
上煩君種桃李進賢受上賞况復皆國士琢成珊瑚枝  
照耀明光裏翻令採珠人遙遙隔湘水日夕登君樓清  
琴伴圖史黃花正秋風一朝去如駛縱道綵衣歡莫戀  
尊醯美心知非遠別歌聲皆變徵



送桂林太守之官

古重二千石五馬黃金絡位比大諸侯萬井同憂樂朝廷欲置相先俾視民瘼渤海與潁川功名亦非薄異哉今之人勲業等糟粕惟知公輔安爭說盤根惡揮手春明外意氣先搖落所以昇平化遠古不相若程子官職方樞密資謀度聲名照華省文章亦雄博一官守桂林正可抒所學瘴雨蠻烟中五嶺帶城郭炎荒遠聖澤民命君攸託瘠土望膏雨絕徼紆方略鈇鋟潭幽

深湘江水寥廓公餘入吟詠新詩滿巖壑

天子徵賢守璽書下黃閣一片鬱林石歸伴南來鶴

為石林題柘谿草堂圖

石林齋中懸尺素披離滿幅多奇樹湖光千頃浸柴門  
數椽古屋臨荒圃問君疑是江南邨指點為言柘谿路  
柘谿今日之青門老親五十歸邱樊齒髮祇今八十餘  
渚鷗汀鷺供朝昏我聞此語肅然敬先生抗節如松勁  
少簪直筆彈要津老讀殘書悟天性君今圖畫多深情

心在江南身

帝京歸夢迢迢柘谿去醒來壁上烟雲生今年揮手承  
明廬射陽秋水上鱸魚歸看青山侍華髮柘谿深處草  
堂居我披此圖看不已身入畫中當何如

柘谿為聖任  
先生讀書處

二月二十三日過念齋觀畫扇因成十五韻

長安花事遲二月風瑟瑟巷陌驅塵沙怒號且終日紙  
窗如鳴蟬無心就書帙借來駕馬騎冒寒偶然出巷北  
過巷南遂造靜者室小閣凝清香虎皮印雙膝童子兩

三輩獨居寡儔四人如僧出定言笑皆簡質為我開錦  
篋搜羅古人筆石田與包山灑墨果清逸方探林壑幽  
忽訝花房密流傳皆百載墨光黝如漆茲事雖小技不  
朽在真實與君忽三嘆奈此流光疾著作與勲名千秋  
竟何述

四松先生寄予古詩用昌黎贈張秘書韻從敝麓  
中檢出益增悲感因次和之

開篋展君詩鶴唳清秋聞風流自駘宕光儀如見君古

鏡寒潭碧背隱蛟螭文娟娟花下露裊裊谿上雲三年  
容子俱懷袖揚餘芬寶此耀貧素還以慰離羣平生學  
昌黎今古誰能分持節曾絕塞司馬古叅軍飲不盈蕉  
葉苦吟常自醺對客日數幅落筆皆氤氲千篇留上谷

一官何足云

四松為上谷司馬  
棄官歸四松齋

歸來四松下塵緣謝纒

紛彌勒同龕食經時不如葦荷芰製為裳辟荔裁為帚  
古調越流輩俗響如秋蚊高風溢里巷淺薄資陶薰斯  
人亦已逝寂寞歸荒墳春花日堪把秋草又將耘不朽

尚言德何必資功勳長吟淚盈把西閣傾斜照

三兄五十初度成四十韻寄之

伊彼鵲鷓鳥夙昔同一枝壯者毛羽成穉者嬌且癡引  
之翔高林還與戲清池低徊三十年飲啄常相隨一朝  
分飛去各在天一涯況我與叔兄年少逢嶮巖九齡失  
慈母保抱多恩私吾兄走文場予方佩象觴相將石門  
路老衲同栖遲燈火照空山書聲出茅茨嗟予已十五  
惟耽遊與嬉脩竹路冉冉櫻桃花離離帶之以清泉至

今有餘思城南峙高樓古壁將傾歌荒池溷鶩鳴壞圃  
紛柴籬叔兄攜書往予亦肩隨之漸知父兄教立志頗  
不移天風響危檻明月臨階墀烏啼星復落鼠嚙聲何  
悲咿唔達中夜苦為比隣嗤秋風秣陵船江路多艱危  
季弟偶見妝吾兄還數竒數竒不復嘆歸來理東菑橫  
塘繞荷芰小閣對淪漪衆芳密如箐一歲皆花時弱女  
已婚嫁強仕方有兒惆悵上東門送予當路岐離別各  
老大京洛空塵緇古人重宦達千載以為期今人不知

耻劳劳駒影馳自顧鏡中顏惟添頰上髭觚稜雙闕間  
曉入晨光曦不能竭涓埃趨走空爾為紙窗展書讀復  
為塵事羈惘惘念鄉國屑屑謀晨炊遥遥羨鴻鵠耿耿  
難置詞久知宦與遊不及耘與耔此理已深悟欣告不  
復疑叔兄今五十五載睽光儀生子已就塾蚤慧有異  
姿琅琅聽書聲可以長自怡園林豔榴火櫻筍堆花瓷  
脩林叫白鶴深綠映黃鸝一觴復一詠文采發新詩叩  
門皆舊友高談無愧辭况乃遠兵革閭巷猶恬熙幼弟



頗能文仲兄髮如絲黽勉述祖德明發思所貽勿念京  
洛人濁醪常自持

孝儀客子齋中見投古詩奉答

我友亦已困毛羽豐且妍高文擷天藻奔滙如長川新  
詩復澹宕落筆秋露圓珊瑚錯明珠滿泛波斯船京華  
久不達失意空茫然鬱彼喬松姿耻為蘿薜牽吾道敦  
所積春華豈常鮮文豹蔚神采霧隱空山眠碩果經霜  
垂氣味翻得全轉因息六翮搖落相周旋小齋橫素琴

半榻堆陳編得淹君子駕欣賞多竒詮努力勿復歎闕  
此榛蕪田萬里渤海流千仞蓬山巔與子駕鸞鶴相將  
凌紫烟臨風頌君子秉志期益堅

戲擬吳賓客儼四時詞皆故園所有北地獨少者  
及之

垂柳映晴沙清泉試蚤茶野人帶朝露遺我幽蘭花蘭  
花香度湘簾影黃鸝喚處人初醒

杜鵑紅簌簌滿院蕉陰綠新筍夜來添荷翻入深竹深

竹門前繫釣船為送鱒魚第一鮮

橘柚懸霜圃歷落殊堪數風起滿城香桂花作秋雨秋  
雨秋風試杖藜芙蓉開徧石塘西

楫拙耐宵長爐頭煨芋香窗白非闕雪梅花映草堂草  
堂天竹當檐樹火齊珠光照縑素

送王藻如宮贊歸省

青門數者舊獨有西田翁世澤冠宇內門閤如恒嵩簪  
紱臥煙霞吐納皆宗風有時洒翰墨能侔元化功聲名

與大耋焜燿人寰中喬松蔭瑤草碩果垂芳叢子孫多  
賢達雅不樂西東揮手謝軒冕追隨龐德公幼子官侍  
從才譽擅青宮西清鈴索間遊子各有衷憬彼城上烏  
豈學雲中鴻車馬上東門轉使予心忡三公輸一日何  
敢惜怱怱願言承歡暇念舊郵詩筒

輓陝西提督陳忠愍公

觀德殿西曾侍立蜀中虎將雙趨入

公諱福時同陝督王公進寶皆以遶

選總兵自蜀召入命射觀德殿子直起居注得與觀焉

眉宇英風動闕庭離弓萬

石時無匹

內殿承恩錫宴頻  
史臣當陞記溫綸

御筵屢賜金盤食

天語琅琅感侍臣  
陳公作鎮古靈州  
持旄建節當新秋  
是時海內方宴然  
風清鈴閣閑兜鍪  
鏊逆氛漲天西南  
起劍門阻絕連湘水  
秦隴岷洮藉重臣  
惟公忠勇堪憑委  
志殲羣盜靖西陲  
不教花馬作潢池  
方看小醜投戈日  
恰待遊魂入金時  
志酬馬革悲何感  
星沈虎帳驚栖鵬

軍中痛悼舞陰侯舉朝感歎來君叔可憐百戰垂成功  
血灑靈武多悲風

天子當宁動顏色易名賜爵恩數隆願得忠魂撫長劍  
一掃西南橈槍空

送曹峨眉同年還江陰省親

京華作客誰最難京華歸客誰最歡眼中之人見曹子  
片帆六月離長安曹子有母不得養惘惘對客常心酸  
今年尺書上承明乞身南去歸江城過我小齋忽狂笑

兩腋軒舉涼風生眉宇已是雲中鶴樊籠將別毛羽輕  
自言十畝江陰宅古樹蒼藤覆牆碧邃閣蕭疎竹滿窗  
芳園爛漫花園席願言將母餘何求嘉果新蔬日堪摘  
曹子雅嗜韓柳文落筆排宕生春雲朱絃疏越振遺響  
淫哇促節空時氛卻抱殘書涉江水江陰八月尊羹美  
華髮千莖板輿上奇文一卷荒園裏不分吾儕日相見  
養親著書讓吾子

六月十一日座師給諫荏平王公招同年諸子宴

集郭外荷亭值雨坐上分得客字

夫子宦京華獨抱烟霞癖  
雨霽偶招攜相將振短策  
謝彼車塵喧來就荷亭僻  
荷亭臨水開深柳沼谿碧  
翠蓋翻微涼蕭疎動絺綌  
好雨西山來雲氣峰腰白  
雨勢逼荷香盡來侵几席  
須臾轉晴霽林外炎曦炙  
故將烟景好天意娛閒客  
時艱良會稀佳辰莫輕擲  
回首畏紅塵坐待山光夕

秋夜聽絡緯聲



絡緯本秋蟲瓜棚飲清露粉慚蝴蝶翅艷謝蜉游羽寒  
憐蛩語階高怯蟬吟樹恥為促織爭豪家作金注機杼  
終夕勞不能成尺素童子愛追尋苦被微聲誤朝辭豆  
花叢暮入樊籠固瓜葉何青青時向樊籠哺草蟲本微  
姿跳躑轉驚怖吟聲久斷絕意與兒童忤偶然時一鳴  
都無向來趣昨夜樊籠開雙雙一朝去小庭藤影密葉  
深不知處轉向青蔥中相對連朝語咽露餐新涼繁響  
達昏曙嚶嚶類苦吟切切如悲訴滿耳皆秋聲小齋若

園圃午夢客初醒聽此滌塵慮物性貪所造妙理得深  
悟徘徊夕陽下斯物良足賦

送孫杞瞻學士歸省

德清學士住菱湖七載聲華滿

帝都金石千言丹陛上珊瑚百尺紫庭隅紫庭丹陛紅  
雲起魏公名唱紅雲裏曉日歲蕤上苑花春風清淺蓬  
萊水

聖人講學經幃開數許儒臣內殿來閣裏陳詩輕沈宋

筵前獻賦薄鄒枚講僚曉伴封章入起居注史西頭立  
鳳紙光騰殿角雲龍繡色映花磚日殿上仙庖出大官  
侍臣常得奉餘歡分來

御醴黃金椀賜出宮櫻赤玉盤千古君臣重知遇孫綽  
承恩誇異數珥筆新成射虎歌

此瞻承  
作射虎歌

詔  
屬車屢上

甘泉賦南苑秋風萬騎屯龍旗嫋嫋不聞喧書生射得  
林中鹿回倚雕鞍謝

至尊追隨子亦來行殿直廬講幄時相見天香衣袖各

分攜高閣珠林賜游宴

詔同遊玉皇閣德壽寺

六軍試馬晾鷹臺

特詔儒生欵段陪鏡吹晚來歸毳幕紅燈相對詠龍媒

承詔同作良馬詩

最是新秋秋雨歇萬點青山如挺笏吟斷行

宮柳外風看殘帳殿雲中月方與此日正昇平銳意崇  
儒偃甲兵燧燹乍驚叩楚起妖氛忽自夜郎生三年南  
北軍書劇細旃廣厦猶前席同君午夜聽雞聲觚稜曉  
入星霜白知君結念在夔龍動色琅琅徹

九重自是丹心詞剴摯敢言春殿語從容羨君鶴髮雙

親健

聖澤親恩勞繾綣為聽烏啼感至情豈因鱸膾思肥遜  
手持丹詔謝彤闈身惹爐香著賜衣泉石舊諳遊子處  
江湖新有侍臣歸餘石谿邊花作圃朱萼堂前五為樹  
九天阿閣鳳凰羣暫臥滄洲狎鷗鷺秘閣文章待綠毫  
著書何必向林臯謾言畫錦鄉園樂還念宵衣

聖主勞

送徐方虎編修歸省

海內徐孺子博雅今儒宗盛名三十年鞢鞞如洪鐘賦  
詩掩鮑謝幽潔如蘭叢經史貴穿貫渺旨靡弗窮若陟  
泰華巔岳瀆羅掌中清時發異米天廟陳璜琮釋屨躋  
玉堂高舉凌閭風鴻筆為國寶詎止徐陵工

至尊坐清燕賜問常從容藝林號多才稱徐衆所同酷  
暑試殿廷腕下奔虬龍動色驚宰相高置蓬山峰今年  
謝承明請急歸江東甫為閣上鸞復為雲中鴻津門泛  
吳舸江畔寒芙蓉愛日承餘歡板輿方侍從

東臯篇寄李芥須

吾里自昔多詩豪澹蕩磊落推東臯平生嗜潔老成癖  
等閒若浼嫌吾曹天才排宕兼衆妙長歌短句凌風騷  
淨如好女對明鏡壯如碧海奔洪濤秀如摩天閬州石  
快如翦水井州刀落筆竒氣橫九秋俛視儕輩聲啾嘈  
壯年足跡東南徧十指天際舒絲毫瓊海珠江歸去來  
功名敝屣輕鴻毛一臥東臯今老矣酒腸詩興空綈袍  
拍手猶令四座驚蕭疎短髮時頻搔日坐柴門望老友

瓦盆為客開新醪臥我小亭輒信宿七載不見思鬱陶  
欲謝風塵息倦翮明年秋水乘輕舸願君善飯使君健  
相對劇飲雙持螯

贈東海董生

宇內竒觀海為最董子收之襟帶間推窗夜半看日出  
赤霞萬頃濤如山海市人生不恒見君直視如檐下電  
旌旗城闕搖空濛海風吹作雲千片自言結屋荒山中  
蘋婆手植千株紅梨花如雪間梅李十里爛漫吹香風



枯藤竒樹無不有春菘秋蕨綠盈畝布襪青鞵老道人  
十載長齋未除酒吟詩經歲客長安氣如滄海翻紫瀾  
頰上鬚鬚老猶壯意中鷗鳥天何寬東來秋色海雲黃  
詩人歸臥陸渾莊此時天地風塵客各憶南山舊草堂

董生名樵  
東海隱者

題四知圖為魏環谿先生

關西孔子楊伯起四世清德光前史嶽嶽千尋絕壑松  
泠泠百尺寒潭水糾彈內屨排羣奸正色昌言肅綱紀

一笑黃金謝故人，但將清白遺孫子。吾輩讀書何所慕，  
守身愛鼎應如是。晚近脂膏最誤人，吁嗟此義成糠粃。  
環谿先生邁流俗，闕西前後真同揆。生平亮節遠相師，  
凜凜四知一端耳。夙抱忠誠感

至尊抗疏常見

天顏喜門巷蕭然時，著書脫粟留賓如素士。吾道有守  
方有為，君子不貪先不侈。敬藉此圖為公壽，願以清風  
受繁祉。更愛傳家秉與彪，三鱸世卜從公始。

題嘉莊農隱圖

久欲結一廬當在南山陽去郭數十里  
虧蔽登崇岡山翠四圍合一徑穿谿梁  
其中土膏沃散布諸農莊中央數十畝  
繚之以短牆一宅置妻子紙閣依茅堂  
餘地恣種植古木羅千章梅桃各一區  
果蔬各一場花開接四序爛漫庭階芳  
冬煨温室火夏拂水亭涼温室藏晚花  
水亭陰高楊高楊帶清池荷芰吹微香  
倚樹間有屋看花必有廊簾前竹萬箇  
坐隅書一牀開窗落峰影隔樹

來谿光邨居皆淳民但知說農桑雞豚亦有政耕鑿亦  
有常一川稻梁熟八口資為糧夜來機杼聲終歲裁為  
裳新蔬翦樊圃鮮鱗出陂塘饗殮稱時足鄙嗇庸何傷  
好友二三來促坐傾壺觴安知末俗漓矯首談羲皇畢  
世無外慕通體無俗腸寵辱不能鑠憂虞不能戕其俗  
靜而治其人壽而康平泉何足齒藍田何敢望日坐塵  
網中此願空茫茫梁子嘉莊圖倏忽陳吾傍委曲肖鄙  
意叫敵幾欲狂回首眺鄉園遠在天一方人生貴所適

安得久低昂休哉陶靖節千載誰等量

題趙武昔小像

高梧蔭叢菊澹蕩鋪秋陰片石倚幽草鳴泉激素琴中  
有冰雪人愛靜復耽吟退食常擁書迢遙觀古今夙有  
蒼生志金門久陸沈懷抱日綿邈川岳同高深賦詩續  
古調歷落皆雅音一杯聊在手濁醪還自斟日夕坐秋  
色悟菊知此心

寄木崖

當代有詩人蕭然隱邁軸蚤年馳盛名晚歲恥干祿天  
才本高雋經史盈便腹千秋夙相許名山藏敝麓少陵  
與香山同工還異曲君吟四十年遙躔其躅長篇極  
瀏漓短章無跼促有筆寫胸次何為苦縛束真能學杜  
白豈在娛塵俗聞君理舊詩篇篇總堪讀吟向石經齋  
天風響寒竹高堂今大耋眉映貞松綠母子俱聞人海  
內所瞻矚人生貴不朽豈在曳鳴玉誰能六十翁霜髭  
猶啜菽相贈白華篇期君介景福

送徐藝初歸崑山

我聞瓊玉峰正當君家樓連理三珠樹茲事空千秋  
聲欬被寰宇宏獎皆風流疇昔握手歡契濶滋繁憂同朝  
日瞻企春風聽鳴騶長公蔚文采眉宇天人儔貽我威  
鳳篇古調誰能酬鴻寶自希世息翮還滄洲悵惘春明  
門芳草送華輶

哭信臣

嗟予束髮初衆中識吾子鸞鶴本異姿珪璋有靜理  
眉

宇在霄漢清言寡塵滓寒潭何湛湛山島自竦峙願言  
比君心此語差復似登君宅畔樓贈縞從茲始十年走  
名場相將執鞭筭堂上各老親華顛豁衰齒區區人子  
心憤激深相砥含英復咀華終歲無停晷君才本秀瞻  
摘文如結綺一日不相見新篇盈數紙丹鉛互校讐斯  
道無堅壘同負秣陵秋淚落秦淮水老親良苦辛結屋  
龍眠裏山寒送米蔬宵涼齋襍被雪片對茅檐梅花覆  
庭旣布袍如枯僧寂寞侵臙髓豈謂終不達數竒竟如



此薄宦來荒城，博士齋空圯首蒼。無朝餐，宿疾焉能起。  
寄我尺素書，悲歌皆變徵。徘徊能幾時，消息傳蒿里。稚  
子真可哀，慈親復何倚。天問總無憑，理數誰能換。追念  
平生懽，故人今已矣。悲來戕五中，揮涕不能止。遠在天  
一涯，無由哭靈几。墳邊春草生，始作安仁誄。故人知我  
心，千載恒如是。周子信臣名孚先予同學友能詩文卒於五河學博

題石林臨流濯足圖

振衣千仞岡，濯足萬里流。壯哉左太冲，斯語空千秋。家

山曰龍眠近郭偏能幽靈巖疊蒼翠衆壑煙光浮懸瀑  
似飛雪落向千峰頭谿中石齒齒太古苔痕留灌木垂  
清陰水鳥銜文儵我欲濯纓往拍手呼浮丘東華萬斛  
塵恐為山靈羞石林作此畫雅與予意謀矯首睇雲鴻  
浩氣凌滄洲雪膚映寒泉本是仙人儔素琴橫草間彈  
罷行復謳懷抱極寥廓天地皆浮漚何況我與君身世  
如蜉蝣栖栖竟何益擾擾將焉求披圖各無語對此銷

繁憂

孝儀廷對第一喜而賦此

灼灼明月珠垂光照紫庭彫龍匿其寶潛耀居滄溟悠  
悠十七載龍睡無時醒今年駕洪濤天橋驅風霆忽令  
徑寸珠天衢綴華星我友虞山客鄉舉同一經鳳麟毓  
文彩河嶽鍾英靈與我頻年交相顧如影形長安風雪  
中蓬戶曾偕扃短檠入深夜露白鐙逾青書聲和鳴鶴  
激楚呼高冥

聖主方好賢賜第冠丹屏雖燕乘閭風同時舒綵綉

兒瓚

同舉進士之子素寧澹結念在千齡榮名以為寶贈子惟德馨

松聲萬嶺篇為木匡母夫人賦

長松挺姿冰雪裏蒼枝團蓋烟光紫紫松濤拂地橫九秋  
謖謖聲從高閣起中有仙人鶴髮垂傳家儀法真吾師  
咏雪餐霞八十年朱顏燥灼如瑤芝夫人之母吾老姑  
延陵世德生賢姝落筆不肯讓班史男兒枉自矜髭鬚  
晚年雅志耽禪靜晴窗自寫維摩影宵來常見佛燈紅

曉起時聞清磬冷  
令子名壇盛羽儀  
能將色養佐含飴  
間居共賞安仁賦  
家學爭傳阿母詩  
石經堂畔蕭蕭竹  
聞道新來森似束  
桂露方濃兔漸圓  
紅燭錦綸照華屋  
遊子辭家已十年  
岡陵遙指望江天  
霜鬢霞裳閣上人  
聽我松聲萬嶺篇

八哀詩

康熙六年同榜進士與予交誼敦密者已亡八人因作  
八哀詩

黃舍人仍緒

東吳有巖邑滄海抱孤城中有簡寂士公車來上京對  
策冠南宮董賈馳聲名文章挾元氣渾顙陳韶黻貌古  
性復僻恥與時俗爭蟄身書卷中布袍依短檠十日不  
出戶門徑蛛網生有客或相召羸馬將來迎向客顰兩  
眉多是欬歔聲斯人閱斯世磊塊焉得平人生有百憂  
底事羣來櫻旅魂倚僮僕朋友書銘旌復聞玉樹折使  
我心彌驚

沈刑部應范

沈子工詩翰瀟洒山陰客五字芳如蘭鮑謝踵遙迹初  
讀采山篇清思已奔繹中年氣益醇杜韓堪避席落筆  
褚河南纖秀無拘迫拭几焚名香脩潔嬾成癖篆隸兼  
衆妙書成自鐫石洞簫或在手雅令佐浮白道氣令人  
靜好友藉三益絡秀本明慧京華共晨夕病起俄復顛  
才華世人惜篋底有遺箋寶愛如珍璧

潘黃門翹生

黃門偉丈夫食牛氣恒銳鄉舉曾冠軍雄文發經濟飲  
歎亦可觀高談裂雙背詞曹入諫垣結念在匡世仰干  
黃屋尊頰切蒼生計寥寥朱檻間伉直誰能繼壯年頓  
銷歇聲華忽幽翳豫章久用兵妻子苦顛蹶聞說戎馬  
時江干正留滯誰當念故人為理荒山碣

史編修鶴齡

古人善體物濯濯春柳姿我友瀨江客風度恰如斯清  
才照藝圃習習香風吹落筆秀天下蚤被



人主知分來金鳳紙真草恣所為學士如堵墻觀君臨  
墨池須臾百幅盡墨潘看淋漓春殿開講席我與同追  
隨共拜紫貂賜偕進朱櫻詩一朝返江澣風折瓊樹枝  
屢邀

當宁歎寵卹偏恩私還使素心人五載淚如絲

張編修玉裁

伯也京江派聲華照吾黨指顧多英姿風流任宏獎春  
泉此才思朝霞儷融朗蚤年頗落拓壯歲冠珠榜百尺

紫珊瑚已躍滄波上猶憶玉堂夜廣廈連書幌中宵起  
讀書互答空庭響予既理歸舟君亦泛蘭漿同作江南  
人一水勞心想詎意明月珠埋光忽泉壤頻把別來書  
臨風增悵惘

夏編修沅

京華對衡宇好友如君稀君如寶在璞山嶽含其輝骨  
重復神寒溫密無絨機摛辭尚典要書卷堆四圍十載  
雅投分纏綿意入微下馬登君堂穉子牽我衣一日不

相見三秋如調餓東門風雪中送子銜恤歸江臨北固  
山松筠堪掩扉經時不寄書忽同朝露晞竟符乘槎識

使我長歔歔

昔有術士謂君當應乘槎之會果以八月卒

楊檢討仙枝

簡人磊落士翛然謝羈勒清風滿四座塵慮為君滌本  
是嵇阮倚眉宇氣陵轢草書頗騰騫琴聲出東壁吟詩  
愛陶潛嗜飲師王績倏爾微醺餘更不進涓滴食貧甘  
如飴懷抱從所適喪親與悼亡哭子無衆感言返澤州

山詎意音容寂中邊皆至性斯人難再覩

劉編修澤溥

我聞李長吉白晳長指爪君貌酷相類祝君惟壽考屈  
指眼前人惟君致身蚤溫溫良玉姿春容滿懷抱夙慧  
本天成杼辭若春藻照耀巖廊間人共欽其實抱病還  
中州丰儀乍幽宵人生石火微復如電光繞如君益可  
悲身世何草草墳前穉子稀堂上衰親老招魂魂豈來  
雪涕問蒼昊

讀元道州賊退示官吏詩慨然有作

我愛元次山詩篇獨簡質短章如長謹仁心自洋溢至  
欲委符節甘心采菱實昔人志康濟豈云耽暇逸置身  
君民間無能澹憂恤汗顏拖長紳不如腰帶銜古人恥  
曠官斯義久蕭瑟誰無湖畔山浩歌撫遺帙

寄王農山先生

海內今耆舊屈指農山翁高文昔磨炳葩義騷壇空弱  
齡知向往私淑曾南豐琅琅殿陛聲繡斧乘花驄辭榮

蚤揮手歸臥巖壑中九峰三泖間霞翥揚清風幸慰疇  
昔願策名隨長公季子復聯翩臚唱宮雲紅瑤圃三珠  
樹光氣如長虹史筆須大手講幄資元功先生年杖國  
鹿駕桓君同相對駭鸞鶴華髮暎方瞳願言祝期頤曦  
照扶桑東何時蒲輪來下管聆新宮

興朝仰人瑞士類荷帡幪

送田綸霞督學江南

夙昔有微尚雅慕恬澹人風流推獨步高潔由天真龍

門百尺桐孤芳誰與隣  
雖寡握手歡膠漆如有神  
論文入微密談詩闢荆榛  
登朝十七年著作今等身  
振筆搃海岱矩矱皆先民  
士氣嗟濩落大雅久不陳  
華戶單寒子眉蹙何由伸

當宁簡邦直朝議爭推輪  
兵甲會偃息文治期維新  
經術藉模楷風教資陶甄  
大江南北流浩浩今還淳  
菁莪翼王化楸楠儲國珍  
歸來報天子事業在人倫

乾  
坤  
廣  
濟



文瑞集卷七

欽定四庫全書

集部  
文端集卷  
八至  
十三

詳校官<sub>臣</sub>原吉士<sub>臣</sub>汪彥博

助教<sub>臣</sub>常循覆勘

總校官<sub>臣</sub>降調編修<sub>臣</sub>倉聖脉

校對官<sub>臣</sub>中書<sub>臣</sub>葉蘭

謄錄<sub>臣</sub>監生<sub>臣</sub>蔡漸磐

欽定四庫全書

文端集卷八

大學士張英撰

存誠堂詩集四

古體詩三十首

題羹湖畫田家圖寄孫欽卷子

生兒不願振長纓  
良華裾結駟遊天衢  
但願提壺挈榼  
常追扶生兒  
不願腹盈筓  
思涌泉  
搥筆凌機雲  
但願惻

悃訥耕且耘生兒不願朝楚越暮燕齊結交少年行  
但願出作入息依農莊人生百憂緣富貴悲喜寵辱煎  
我腸譬如白鶴鍛其羽霜天仰視空蒼蒼羹湖一紙二  
丈餘雜沓畫出田中廬呼童隔水飲黃犢抱孫著膝巾  
柴車山畔無雲不宵靄谿邊有樹皆扶疎蓑笠桔槔無  
不有岸有魚魯梁有筍疎離垂蔓故侯瓜小亭低拂先  
生柳青旗賣酒山橋市銀釵汲水田家婦我聞仇池有  
百泉四圍竒石撐青天祇今荒為豺虎宅何人更種峰

頭田我聞桃源古避秦谿流歲歲桃花春祇今戎馬蹋  
作泥妻兒零落悲酸辛吁嗟此圖不易得羲皇之人華  
胥國天外三山蜃氣樓先生空費一挺墨老翁新自戰  
場回支離竒骨猶崔嵬看舞寶刀刃如雪聽飛鐵礮聲  
如雷譬彼夜半出惡夢剔燈自視還驚猜自寫此圖滌  
胸臆腕底布置真竒哉家園千里寄雛孫老親一笑慈  
顏開况我對此不能舍長吟短句增低徊何年共君挈  
兒子谿山深處歡相陪雞豚社酒無窮事肯讓陶潛歸

去來

讀陶詩慨然有作

穰穰今昔人天地為席幕富貴多憂虞貧賤常落魄投  
網恐不深誰能解其縛身非金石堅萬端自消鑠志願  
何窮極如剝新筴擇人生道力淺隨處得沉著夙昔有  
微尚苦欲謝羈絡常恐衆人是惘惘吾獨錯我愛陶徵  
君胸次頗寥廓忘情寄麴蘖避世憇泉壑嶺上白雲飛  
松間夕陽落三諷陶家詩微知顏子樂

送運青出守姑蘇

古重二千石五馬扶朱輪簡自承明廬臥治多儒臣况  
乃東吳郡延袤滄海濱貢賦雄九州歲入千萬緡土狹  
苦人滿繡錯紛如鱗曲枝恣淫巧優賤工諧掣朝或冶  
服遊暮衣百結鷄賦急歲恒儉俗侈戶益貧

當宁屢嘆息除吏常逡巡卓哉西蜀士黃綬耀新綸昔  
年共鐙火隨步丹地塵峻格凌巖松直節媿霜筠岍異  
視流輩耿介難與倫高才理盤錯運斤若有神聲名徹

廊廟顧問恩數頻一麾領吳郡桑梓來祥麟望風驅墨吏解慍蘇疲民既令瘡痍起還令風俗醇人生非乘軒康濟何由伸東南民力竭一語為君陳

題石林桃花釣艇圖

春烟春雨朝霏微蒼翠綽約山四圍谿清鷺白桃花飛新漲昨夜侵漁磯中有仙人忘塵機扁舟散髮迎朝暉白苧新裁短後衣吟詩最愛陶與韋枕書抱膝思依依遶船流水花芳菲銀編縮項甘且肥此樂不遙知者稀



主人方直彤雲闈白玉為堂花紫薇史筆在手不停揮  
匡時有願且莫違湖邊為我掩雙扉漁竿媯媯他時歸

修堂叢桂篇

修堂為子弟洵仲  
華芭輩讀書處

大叅舊第城南隅亭有叢桂蕪高梧蒼顏斑剝花爛漫  
百年世澤涵且濡上有飲冰嚙雪之壽母下有翔鸞翥  
鳳之羣雛壽母瓊枝本桂林謝公掌上雙明珠佐我叔  
父蚤成名翩翩藻彩揚天衢二十年來多苦辛大厦隻  
手勞撐扶家法峻肅邁朝典朝昏教子真勤劬大綱小

紀各有政閨門矩矱天下無願奉叔母為矜式季蘭衆  
媿皆師模諸弟才華復敦碩騏驥絡繹登

皇塗有弟三年住京國聯牀與我形影俱温温恭人良  
不愧孝友令譽騰燕都幾迴短檠話深夜細聽方知母  
教殊今年齒髮初甲子華筵旨酒羅笙芋江南草綠杏  
花時脩堂遙望增躊躇敢藉階前叢桂影天香寫入南

山圖

馬蘭峪古松行

古松鐵幹蒼還赭虬蟠虎臥長城下遙看翠色起寒烟  
近訝蒼皮侵古瓦碧雲一片低不飛松頂平鋪復堪把  
亂枝徃復如有神奇姿勁挺誰能寫黃冠白髮不記年  
塞月邊風自瀟洒特標孤節凌窮冬更送清陰滌煩夏  
影閉荒城鶴不栖梢入空堂露常瀉落落恥與羣木儔  
所悲幽人在中野挈雲榦折為懸弓覆地枝殘因繫馬  
等閒夜半起濤聲關山誰是知音者

徐立齋前輩自學士擢總憲

六卿有分職憲長持鴻鈞庶司與百度臧否得俱陳  
謨翊元化功與丞相倫

聖人望治切特簡丹扉臣舉朝仰正色四裔瞻垂紳  
倪寬貢禹後經術見斯人西南將偃戈海內無纖塵  
要在滌舊俗使我王化淳大鏞列東序玉衡懸紫宸  
發揮虞夏理感應當有神清風生獨坐天地倚彌綸

讀白樂天詩六首

昔人有深悲百年如轉轂恥以千金軀幻化同草木  
天

地藉勞人甘心謝巖谷勲名寄寰宇精誠留簡牘捨彼  
百年歡博此方寸竹鄙哉後世人所耽在微祿身名同  
時減塵鞅苦征逐緼袍苟自適輕華勝綺縠藜藿得所  
如燕衍倍梁肉豈能拂天性巧媚時人目長歎看青山  
花谿置茅屋

鷓鴣本微姿羅畢或致之不解語言好復無羽毛奇主  
人枉見珍陋質深自知居以玳瑁籠宿以珊瑚枝野田  
黃雀來驚羨各有辭焉知此物賤野性終不移一飲復

一啄顧影鳴且悲故林有徒侶桑柘濃陰時

小雅楚茨篇畫出田家廬後世有作者風流陶與儲清  
流飲黃犢晚日驅柴車帶露翦菘韭不食城中蔬雖賤  
夢常安縱貧間有餘春陰種樹時自荷移花耒左招山  
畔樵右挾澤中漁斯人洵鄙樸忘機誰能如

三峽日奔注驚濤千古愁若比世人情三峽為安流劍  
門古巉巖鬼哭猿啾啾若比世人情劍門如平邱肺腑  
方寸地何乃荆棘稠唇吻苦不大何乃攢戈矛如彼涉

滄海日夕懷百憂  
逝將謝囂隳  
陪我南汀鷗

一輪中天日萬斛  
南陌塵有馬無閒蹄  
有車無停輪日  
出照羣動芻狗良  
苦辛富貴與貧賤  
譬彼環相循華胥  
日已遠舉世無先  
民堯舜立賞罰萬  
古離其淳忽而空  
山谷忽而要路津  
勢去骨肉疎時來  
秦越親巧拙各相  
笑誰能識其真寄  
語世間人上有高  
高旻

人生有萬端適意  
因為好睠彼枝上  
花與此砌邊草倘  
違風露情青青坐  
枯槁蒼鷹恒苦饑  
淘河不常飽鵲巢

鳩來居誰拙復誰巧鸚鵡憎籠時絨口苦不蚤智者物  
之災用愚以為寶置身才不才黠哉漆園老

施愚山贈敬亭綠雪茶奉答

春雨江南山敬亭本幽絕摘來烟鬟中佳竝名綠雪故  
人勞見遺鶯花晚春節香如蘭露滋色比清泉冽淪向  
晴窗下恐為塵滓褻細啜咏新詩風味誰能別

題畫

山腰白雲如織素小亭正對雲生處一邱一壑自盤互



咫尺平橋不知路古寺荒邨遠樹邊  
疎鐘聲不隔秋烟  
等閒驚起幽人夢鷺浴南谿夕照天

江眉瞻太守為予作買花行讀而賦此

客從匡廬來弭節慈仁寺予當花市開肩輿時一至珠  
璣羅綺前趨走不停視惟向賣花翁低迷苦留遲太守  
笑予狂秉心尚童穉為作買花行縱橫數百字嗟予林  
壑性卉木有竒嗜十年客京國苦負平生意幽燕氣寒  
冽風日江南異濁苦街頭泉磽确城中地嘉樹與芳草

縱愛何由時詰屈盆中梅花稀色顯頽豪家溫室中不  
惜千錢費一入寒士宅枯槁旋委棄惟有野草花子力  
猶能致聊分薄俸錢窗前博菁翠何當歸舊山下築營  
花事泉甘復土肥樹石間羅置千株種梅桃十畝栽荷  
芰柳岼任蕭疎竹房自清閤繁艷付鶯聲餘香分蝶翅  
高詠買花行為君一揚解

種柳行

前人遺我松湖田倚山瞰壑松湖邊中有湖水遶田脚

春生秋漲清且漣我今築隄帶山麓欲令瀦水如長川  
細浪迴波二三里平分半種紅白蓮其餘空明若澄鏡  
菰蒲數點涵朝烟先教夾岸種楊柳柔條嫩綠陰相連  
上有百啣黃鸝鳴下有雙飛白鷺眠蚤春凝翠山雨重  
入夏弄影涼風偏丹楓烏柏相間雜秋深照水如花妍  
更種垂楊三五株舞風拂地枝纖纖問予胡不種松柏  
松柏成陰三十年圃翁年已四十強霜生頰下華生顛  
及時種柳滿千樹眼看計日叅青天富貴不願靈和裏

繁華不願章臺前但願柳成拂衣去年年常繫釣魚船

江南憶十首

長慶集中有憶江南詞注云此曲亦名謝秋娘章五句  
樂天秦人也遊宦於南深用相憶况予生長茲土者乎  
因廣其意遂成十章

江南憶最憶小亭前送暑迎涼桐葉雨怯寒偎暖杏花  
烟風景勝當年

江南憶最憶近城山曲曲清泉垂石乳層層翠岫疊烟

鬢數武隔塵寰

江南憶最憶小池隈  
近舍傍城三畝許  
水花木卉四時開  
薄薄有亭臺

江南憶最憶是湖邊  
賽社家家杭稻熟  
嘗新處處鱖魚鮮  
十里白花蓮

江南憶最憶是江頭  
楊柳岸藏沽酒肆  
桃花港泊釣魚舟  
春水泛輕鷗

江南憶最憶筍櫻時  
碧玉萬竿拋錦箨  
火珠千點壓高

枝烹摘小花瓷

江南憶最憶是梅花幾樹傍谿園草閣一枝凝雪近窗  
紗多少盡堪誇

江南憶最憶是春深花謝海棠紅似雨葉藏梅子綠成  
陰黃鳥惜春心

江南憶最憶竹林中迴環白石陰陰路宛轉清谿澹澹  
風穿破碧玲瓏

江南憶最憶桂花叢深苑黃垂千點粟小城香滿一秋

風人在月輪中

頰首見白鬚

頰首見白鬚不用闕明鏡嗟予形蚤衰流光疾如瞬閑  
看兩飛丸坐失雙青鬢涉世方苦深焉復與時競心如  
古井波湛然自澄靜亦如隨風舟上下任游泳敢言味  
道腴委心付時命湖邊二頃田豐年穀猶騰城隅二畝  
宅綠樹當軒映菰蒲烟水安麋鹿谿山性惟有

君親恩盈盈滿方寸

倉順  
叶

康熙辛酉十二月十六日子四十五生日率爾書

懷遂成四百五十字

入春尚旬日積雪照庭戶親戚衝晨寒攜樽扣環堵忽  
記懸弧辰今年四十五老去髭鬚白痛後齒牙腐衰慵  
日有增餘勇豈堪賈深閱人世情潭潭盡城府我本山  
野人十年挂圭組清秩隨夔龍昌時邁

堯禹鳩拙不營巢一枝借廊廡啾嘈巢中雛黃口飽天  
庾盡日對金鑿終朝依繡黼近案含雞舌當筵劈麟脯



表珍艷鷓鴣杯綠擎鸚鵡曉候龍樓鐘暮聽花街鼓身  
荷邱山恩力乏涓埃補五際謝芳華六經閣訓詁野性  
本踈狂積勞成情竅荷勅儻從容垂紳覺覩縷況予幼  
伶仃慈母蚤荼苦遊子滯京華高堂背嚴父豈堪讀蒿  
莪何從陟此岵無限松楸原偏艱一杯土妻子仍袒褐  
北門傷貧窶膝偏繞五男爰不盈三鬴曾無伏臘資敢  
言慕華廡思以寸草心得間告

明主布襪躡青鞵幽宮卜寧宇畢世頌

君親天年老樊圃下澤車可乘尋幽杖須拄或在山之  
陽或在河之滸麋鹿為交遊漁樵作儕伍自耕湖畔田  
占天種黍稌自搆湖上居隨地營洲浦高柳挂長簷新  
荷泥柔艣投竿出鱖鱗飛繳落鴻羽騎驢覓弟兄放犢  
呼童豎更欲龍眠西小築臨花隴竹路橫蒼烟桃谿亂  
紅雨樹綠鳥嚶嚶花深蝶栩栩中結三椽茅素書列今  
古科頭聽祝雞短衣看射虎一任親知疎兼恕兒童侮  
庶以疎慵身物外多所取升沈會有時邱樊勿輕詡聊

因對樽酒賦詩記年譜

南歸留別澹人侍講近公編修

九重本深閤右掖開雙扉與君若梁燕出入青瑣闈晚  
鐘月初上晨鐘露未晞攜手躡永巷形影相依依笑語  
形迹捐纏綿意入微豈無同氣親投分如君稀偕趨金  
華席分著香貂衣詩成便相示錯落傾珠璣時時闕翰  
墨脫手烟雲霏常期偶君子白首願莫違何意春明門  
陌柳齊分飛達夫扈東巡仙蹕隨龍旂牧之直深殿清

書居紫薇予抱邱壠心十載如渴饑

聖慈蒙俞允放艇江南歸擔笈出鳳城投竿尋魚磯  
豐沛與京洛節序同芳菲勗君報

明主努力奉恩輝

文端集卷八